



Mats- og hæfisnefnd skv. reglugerð nr. 467/2915

Landlæknisembættið,
Katrínartúni 2, 105 Reykjavík.

Velferðarráðuneytið,
b.t. Guðrún W. Jensdóttir, lögfræðingur,
Skógarhlíð 6, 105 Reykjavík,

Reykjavík 18.11. 2020

Varðandi: Viðurkenningu á marklýsingu vegna fulls sérnáms í almennri lyflæknisfræði á Landspítala háskólasjúkrahúsi (LSH) og Sjúkrahúsinu á Akureyri (SAK).

Mats- og hæfisnefnd skv. reglugerð nr. 467/2015 barst þann 5.8. 2020 til umsagnar ný marklýsing fyrir fullt 5 (fimm) ára sérnám í almennri lyflæknisfræði sem kemur í stað fyrri marklýsingar fyrir kjarnasérnám í lyflækningum sem samþykkt var 25.11. 2016 og var endurnýjuð m.t.t. þriggja ára kjarnasérnáms þann 27.8. 2019.

Með tilvísan í 7., 8. og 15. gr. reglugerðar nr. 467/2015 um menntun, réttindi og skyldur lækna og skilyrði þess að hljóta almennt lækningaleyfi og sérfræðileyfi, svo og starfsreglna nefndarinnar sem staðfestar voru af heilbrigðisráðherra 28. júní 2016, vill mats- og hæfisnefnd skv. 15. gr. reglugerðarinnar tilkynna að á fundi nefndarinnar þann 9.11. 2020 var ákveðið að samþykkja ofangreinda marklýsingu til bráðabrigða frá og með 1.11. 2020. Þetta er tilkynnt með fyrirvara um athugasemdir umsagnaraðila skv. 15. gr. reglugerðarinnar (sem hefur verið falast eftir) og með tilvísan í athugasemdir mats- og hæfisnefndar sem sendar hafa verið forsvarsmönnum sérnámsins í lyflæknisfræði. Námið hefur verið sett upp í samvinnu við Royal College of Physicians (RCP) í Bretlandi og hefur verið metið og viðurkennt af þeim samtökum skv. bréfi frá Joint Royal Colleges Training Board dags. 22. júlí 2016 og síðar.

Mats- og hæfisnefndin skal ennfremur samkvæmt ákvæðum reglugerðarinnar meta hæfi heilbrigðisstofnunar eða deilda heilbrigðisstofnunar til að öðlast viðurkenningu sem kennslustofnun fyrir slíkt sérfræðináám. Haft verður samband við forsvarsmenn námsins vegna nauðsynlegrar úttektarheimsóknar í því skyni, bæði vegna sérnáms á LSH og sérnámshluta sem taka má á SAK. Fyrri


Úttektir hafa verið gerðar af fulltrúum RCP. Mats- og hæfisnefndin hefur fylgst með því ferli og fyrir sitt leyti samþykkt viðurkenningarskýrslur RCP. Vegna Covid-19 er ekki eins og er að vænta nýrrar úttektar af hálfu RCP á fullu fimm ára sérnámi, og því er þörf á sérstakri úttektarheimsókn mats- og hæfisnefndar. Þar til hún hefur farið fram gildir fyrri viðurkenning nefndarinnar á LSH og SAK vegna sérnáms í lyflækningum/lyflæknisfræði.

Viðmið nefndarinnar vegna matsins byggja með tilvísan í starfsreglur hennar á lýsingu á námsaðstæðum, þ.m.t. mönnun, umfangi og inntaki starfseminnar á lyflækningasviði Landspítalans, vinnufyrirkomulagi, faglegum fundum, kennslu, námstækifærum og faglegri leiðsögn námslækna, og skyldum atriðum.

Sérnámið er samkvæmt 8. gr. reglugerðarinnar á ábyrgð framkvæmdastjóra lækninga á Landspítala og Sjúkrahúsinu á Akureyri. Viðurkenningin tekur ekki til náms í undirsérgreinum lyflækninga.

Yfirlit yfir viðurkenndar heilbrigðisstofnanir og marklýsingar skal með tilvísan í reglugerðina, birta á heimasíðu Embættis Landlæknis.

Virðingarfyllst, f.h. mats- og hæfisnefndarinnar,



Reynir T. Geirsson, próf. em.,

Formaður mats- og hæfisnefndar skv. reglugerð nr. 467/2015.

Afrit:

Ólafur Baldursson, framkvæmdastjóri lækninga, Landspítala háskólasjúkrahúsi

Hrund Scheving Thorsteinsson, framkvæmdastjóri, menntadeild LSH

Hlíf Steingrímsdóttir, framkvæmdastjóri aðgerðasviðs Landspítala háskólasjúkrahúss,

Guðlaug Raket Guðjónsdóttir, framkvæmdastjóri aðgerðasviðs Landspítala háskólasjúkrahúss

Arna Guðmundsdóttir, kennslustjóri sviðsstjóri lyflækningasviðs Landspítala háskólasjúkrahúss

Sigurður E. Sigurðsson, framkvæmdastjóri lækninga, Sjúkrahúsinu á Akureyri

Hrafnhildur Lilja Jónsdóttir forstöðumaður, mennta- og vísindadeild SAK

Guðjón Kristjánsson, kennslustjóri, lyflækningadeild SAK

Engilbert Sigurðsson, deildarforseti, Læknadeild Háskóla Íslands

Reynir Arngrímsson, formaður, Læknafélagi Íslands